

Jun xinaq tajtaq tz'ok te q'inin

Tqanil

Jun maj, ok b'is tuj tchwinqlal tat Wel. Atz jaw kanet b'is tu'n tlaj²⁴ tz'inintaq tpwaq. Ex b'et tat Wel jyol tpwaq. Xi' yolil tuk'il tat Chep. Tej tkanin, xi' tq'uman ikyju lu: -Najsama tat. Ma chin tzajwe qanil jun xtalb'il teya. B'ala jaku' tzaj tq'on ch'ina npwaqe. Jaku' chinxe tuk'ila ja' nkanet teya tpwaq-. Xi' ttzaqwen tat Chep. -Tz'inin te aq'utl, ex ate'we nq'a onil weye. Qatzan jaku' tzaja jun q'ij aq'unal, kjol ti'j kjo'n-. -Mya' weya aq'untl juwaj-. Chitzun tat Wel xi' tq'uman. -Noqx waje chin q'inumaxe tza'nju teya. Waje ten nim npwaqe, ex ntx'otx'e, ex ncheje. Waje tkyaqil q'inumal. Jaku chinxe tuk'ila, alkye witz ja' in etza teya tpwaq. Chitzan tat Wel.

Tzaj te tat Chep jun t-xim ti'j tat Wel. Kub' t-ximin qa mya' b'a'n. Mixti'tl xi' tq'on taq'un.

Tzajtzante' tat Wel, ex b'et qoniky'an jyol tajawil pwaq. Te tmij aq'b'il, jaw kanet tpas xmeletz' twitz.

Mixti'tl b'ant tyolin tat Wel tu'n tpas xmeletz'. B'i'x²⁵ kub' numj. Chiky'l q'ijtaqtal²⁶ te juntl q'ij tej tel twatl. Majx kyaj tyab' tchonall twi'.

Tu'ntzun lu, mya' b'a'n tu'n qximin tza'n te tat Wel. Ilti'j tu'n qaq'unan qa qaj qpwaq.

Walfre Danilo Tomás Domingo
Concepción Tutuapa, San Marcos



²⁴Aju yo lu ax tze'lpuna: tpaj.

²⁵Aju yol lu ax tz'elpuna: majx.

²⁶Aju yol lu ax tz'elpuna: wanq'ij, chilq'ij.



